

ՆՈՐ ԳՐՔԵՐ

Հ. Խ. ԴԱՐՔԻՆՅԱՆ.— Վ. Ի. Լենինի և բոլշևիկների պայքարը Կոմունիստական ինտերնացիոնալի ստեղծման համար (1917—1919 թթ.), «Հայաստան» հրատարակչություն, Երևան, 1974 թ., 214 էջ:

Աշխատության մեջ կոնկրետ-պատմական նյութի հիման վրա ցույց է տրված այն մեծ պայքարը, որ մղել են Վ. Ի. Լենինը և նրա զխավորած բոլշևիկները. կոսակցությունը Կոմունիստական ինտերնացիոնալի ստեղծման համար: Այդ պայքարը, որ սկսվել էր առաջին համաշխարհային պատերազմի տարիներին, Վ. Ի. Լենինը և բոլշևիկներն ավարտի հասցրին 1919 թ., երբ ստեղծվեց Կոմինտերնը, որը հրահանգեց դեռ խաղաց միջազգային կոմունիստական ու բանվորական շարժման մեջ:

Մերժելով բուրժուական և ռեֆորմիստական

պատմաբաններին, աշխատության մեջ ցույց է տրված, որ Կոմունիստական ինտերնացիոնալի ստեղծման համար 1919 թ. հասունացել էին բոլոր նախադրյալները, որ Կոմինտերնը դրել է ժամանակակից կոմունիստական շարժման սկիզբը:

Գիրքը առաջին փորձն է հայ ընթերցողներին ծանոթացնելու այն մեծ պայքարի հետ, որ Վ. Ի. Լենինի զխավորությամբ մղել է մեր կոսակցությունը՝ բոլոր երկրների հեղափոխական ուժերի համախմբման և Կոմունիստական ինտերնացիոնալի ստեղծման համար:

Բ. Հ. ԱՆԱՆԻԿՅԱՆ.— Դաշնակցության գաղափարական-փառափառական կրախը, «Հայաստան» հրատարակչություն, Երևան, 1974 թ., 408 էջ:

Մենագրության մեջ բացահայտվում են դաշնակցության սուբյեկտիվ-իդեալիստական հայացքները և նրա հակահեղափոխական, հակա-սովետական գործունեությունը ու այդ կոսակցության՝ որպես իմպերիալիզմի կամակատարի դերը արդի պայմաններում: Աշխատության

հեղինակը օգտագործել է հայ մարքսիստ-լենինյանների համապատասխան աշխատությունները, բոլշևիկյան մամուլն ու արխիվային նյութերը, սովետական փիլիսոփաների ու պատմաբանների, ինչպես նաև սփյուռքահայ հետազոտությունները:

Գ. Բ. ԶԱՆՈՒԿՅԱՆ.— Գրաբարի փերականության պատմություն, Երևանի համալսարանի հրատարակչություն, Երևան, 1974 թ., 558 էջ:

Գրքում տրված է գրաբարի քերականության XVII—XIX դդ. պատմությունը: Հեղինակը հետևում է գրաբարի քերականության պատմության այն շրջաբաժաններ, որ տրված է նրա «Հայոց լեզվի հոլովման սիստեմը և նրա ծագումը» աշխատության մեջ: Այնտեղ տարբերվում է գրաբարի քերականական կառուցվածքի ուսումնասիրության երեք շրջան՝ 1. Հունատիպ քերականությունների (V դ.—XVII դ. սկզբները), 2. կատինատիպ քերականությունների (XVII դ. սկզբներից—XVIII դ. 3-րդ քառորդը) և 3. Ինքնատիպ քերականությունների (XVIII դ. վերջին քառորդից մինչև մեր օրերը): Այդ շրջաններից առաջինը ներկայացված է հեղինակի «Քերականական և ուղղագրական աշխատությունները հին և միջնադարյան Հայաստանում (V—XV դդ.)» աշխատության մեջ: Ներկա աշ-

խատությունում քննվում են մյուս երկու շրջանները (երրորդ շրջանը հասցվում է մինչև XIX դ. կեսերը):

Քերականական աշխատությունների քննությունը կատարվում է երկու ուղղությամբ՝ քերականության տեսական հարցերում դրանց բերած նորությունները և գրաբարի քերականական կառուցվածքի՝ մինչև այդ շրջաբաժանված փաստերի նկարագրությունը: Հեղինակն առանձնապես մեծ ուշադրություն է նվիրել Մ. Չամչյանի, Վ. Չալըխյան-Ա. Այտընյանի և Ա. Բազրատունու քերականություններին:

Աշխատությունը հնարավորություն է տալիս ոչ միայն ծանոթանալու հայ քերականագիտական մտքի զարգացման ընթացքին, այլև խորացնելու գրաբարի վերաբերյալ գիտելիքները:

Հ. Մ. ԶԱՆՓՈՒԴՅԱՆ.— ԴՎԻՆԻ միջնադարյան ապակին IX—XIII դդ.,
ՀՍՍՀ ԳԱ հրատարակչություն, Երևան, 1974 թ., 76 էջ:

ՀՍՍՀ ԳԱ հնագիտության և ազգագրության ինստիտուտի «Հայաստանի հնագիտական հուշարձանները» մատենաշարի այս պրակը նվիրված է ԴՎԻՆԻ պեղումներից հայտնաբերված ապակե իրերին, որոնք պահվում են Հայաստանի պատմության պետական թանգարանում: ԴՎԻՆԻ ապակեղենի ուսումնասիրությամբ բնորոշվում է ապակեգործական արհեստի զարգացման աստիճանը Հայաստանում IX—XIII դդ.: Աշխատության մեջ առանձնացված են տեղական

ապակեգործության նմուշները, բացահայտված են նրա զարգացման փուլերը և ԴՎԻՆԻ առևտրական կապերը: Գրքի ընդարձակ ներածությունը, ինչպես նաև այլ նյութեր տրված են հայերեն, ռուսերեն և անգլերեն: «Իրերի կատալոգ» բաժնում նկարագրված են հայտնաբերված ապակյա իրերը, մանրամասն տվյալներ են հաղորդվում դրանց մասին: Դիրքը հարուստ է գծանկարներով և լուսանկարներով:

Գ. Ն. ՄԵԻՔԱՐՅԱՆ.— Սոցիոլոգիական ուսմունքների պատմություն, Երեւանի պետական համալսարանի հրատարակչություն, Երևան, 1974 թ., 226 էջ:

Ուսումնական օժանդակ ձեռնարկի սույն պրակը ընդգրկում է Հին Հունաստանի և Հին Հռոմի առավել աչքի ընկնող սոցիոլոգիական ուսմունքներն ու տեսությունները, ընդհուպ քրիստոնեության ընդհանուր սոցիոլոգիական հիմունքները: Գրքում հիմնական տեղը գրվում են Դեմոկրիտի, Պլատոնի, Արիստոտելի,

Յիցերոնի, Սենեկայի և այլոց հայացքներն ու տեսությունները:

Աշխատությունը նախատեսված է ոչ միայն ուսանողության, այլև փիլիսոփայության և սոցիոլոգիայի հարցերով հետաքրքրվողների համար:

ՅՈՎՀԱՆՆԷՍ ՍԵՐԱՍՏԱՑԻ.— Պատմութիւն Սեբաստիոյ (աշխատասիրութիւն Բ. Լ. Զուգասզյանի), ՀՍՍՀ ԳԱ հրատարակչություն, 1974 թ., 237 էջ:

Միջնադարյան հայ պատմագրության վերջին ներկայացուցիչներից մեկի՝ Հովհաննես Սեբաստացու սույն աշխատության մեջ ժամանակագրական կարգով տրված է Փոքր Հայքի մայրաքաղաք Սեբաստիայի պատմությունը՝ XI դ. սկզբներից մինչև 1830-ական թվականները: Պատմության համար սկզբնաղբյուր են հանդի-

սացել հայ պատմիչների գործերը, ժամանակագիրների երկերը, ձեռագիր հիշատակարանները, կոնդակները և այլ նյութեր:

Պատմության հրապարակումով շրջանառության մեջ են գրվում մասնավորապես XVII—XIX դդ. հայոց պատմության նոր ու հետաքրքիր փաստեր: